

**Lithargyrum.** *Bleyglätte.*

Plumbum oxydatum semifusum, quod in cupellatione argenti forma squamularum, e rubello flavicantium, obtinetur.

**Lycopodium.** *Bärlappempulver, Streupulver.*

*Lycopodium clavatum.* *Muscus in silvis Germaniae frequens.*

Pulvis subtilissimus flavescens, aquam respuens, flammae injectus fulgurans.

**Macis.** *Muskatenblumen.*

*Myristica moschata.* *Arbor aromatica insulae Bandae, celebris inter Moluccas.*

Reticulum, Nucem moschatam involvens, pingue, aromaticum, fragrans, coloris e cinnamomeo fusc.

**Magnesia sulphurica** s. **Sal amarum.** *Bitersalz.*

Sal amarum, Anglicum sic dictum, quod ex ultimo salis marini lixivio paratur, puritate cedit illi, quod ex aqua medicata Saidschützensi obtinetur.

**Malthum hordei.** *Malz.*

*Hordeum vulgare et Hordeum hexastichon.* *Gramina annua culta.*

Semina hordei, post primam germinationem siccata.

**Magnesium oxydatum nativum.** *Braunstein.*

Metallum, magna cum Oxygenii quantitate unitum, inquinans, ex cinereo nigrescens, in vase clauso ignitum Gas oxygenium largiens. Rejiciendum illud, quod Ferrum carbonicum, aliaque heterogenea admixta habet.

**Manna.** *Manna.*

*Fraxinus Ornus* var. *rotundifolia.* Arbor in Calabria et Sicilia frequens.

Succus saccharinus viscidus, tam sponte, quam ex arbore vulnerata stillans, solis calore in massam grumosam, levem, ex albo lutescentem, saporis dulcis subacris, odoris melligeni, exsiccatus.

**Mastiche.** *Mastix.*

*Pistacia Lentiscus.* Arbor insularum Archipelagi.

Resina granulosa, pellucida, splendens, coloris ex albido citrini, sub masticatione tenax, quae, prunis injecta, gratum spirat odorem.

**Mel.** *Honig.*

*Apis mellifica.*

Massa saccharina, spissa, subpellucida, ex nectariis florum ab apibus collecta, et in earum corpore quodammodo alterata.

Mel album aut virgineum. *Weisser Honig, Jungfernhonig.* Mel, sponte ex favis juniorum apium elluens.



Mel commune. *Gemeiner Honig*. Mel calore et pressione ex cellulis ceraceis apium elicatum.

**Meloes majales.** *Maywürmer.*

*Meloe majalis et Meloe Proscarabaeus.* Insecta coleoptera. Habitant in pratis apricis et vernalis arenosis, ubi primo vere, plerumque solitarie repentes, inveniuntur;

*Meloe majalis*, elytris dignoscitur ex nigro virescentibus, et segmentis dorsalibus rubris.

*Meloe Proscarabaeus*, corpus habet violaceum, interdum nigrum.

Succum spissiusculum, flavescens, aerem continent, quem, leniter tacti, facile fundunt.

**Millepedae.** *Kellerwürmer.*

*Oniscus Asellus.* Insectum apterum, in locis humidis subterraneis frequens.

Insecta oblonga, longitudine dimidii pollicis, cineta annulis cartilagineis, sibi invicem incumbens et inter se articulatis; dorso cinerei, abdomine albi coloris; quatuordecim pedibus gaudent, atque humore acri repletae sunt.

**Minium.** *Mennig.*

Plumbum ustione in oxydum rubrum conversum. Purum est, si carboni inpositum, ope tubi ferrominatorii prorsus in globulum metallicum redigitur.



**Moschus. Bisam.**

*Moschus moschiferus.* Animal ex ordine Pecorum, Asiae mediae montes inhabitans.

Massa unguinosa fragrantissima, secreta in vesicis glandulosis, oblongis, inter anum et genitalia abdomini adjacentibus, quae, una eum vesicis exsiccata, granula refert nigricantia, in textu celluloso deposita.

Moschus Tunquinensis, qui optimus est, ex imperio Chinensi affertur. Vesicis ejus, omni ex parte Moscho turgidis, quae ovum columbinum magnitudine aequant, cutis superinducitur, pilis radiatis, ex albo subfuscis, obsita.

**Myrrha. Myrrhen.**

*Arbor Aethiopiae, nondum cognita.*

Gunmi-resina, extus fulva, intus ex flavo rubens, tactu pinguis, friabilis, subpollucida, levis, saliva maxima ex parte solubilis, saporis amaro-aromatici, et odoris aromatici non ingrati.

**Natrum carbonicum f. Soda. Sode.**

Soda Hispanica concrementum refert cinereum, ex combustis plantis maritimis ortum. Natrum carbonicum elixando inde obtineri solet.

Soda Hungarica autem, quae nativa est, in nonnullis regni Hungariae lacubus sponte exsiccatis, copiose efflorescens, depuratione Natrum carbonicum largitur.

**Natrum muriaticum f. Sal culinare. Küchensalz.**

Paratur in officinis salinariis nostris per evaporationem Muriae.